

Novas de su Comunu

Atividades po

is pipius baressesus



S'amministratzioni comunali de Baressa impari a s'Ufitziu lingua sarda de is Comunas de Baressa e Bobadri e a sa biblioteca comunali at aprontau po totus is pipius chi tenint de cincu fintzas a dexi annus (dai 5 ai 10 anni) unu atòbiu po **giòbia 17 de su mesi de Donniasantu 2011** (17 novembre 2011). Is atividades ant a essiri de is cincu a is seti de merì (17 – 19) in sa biblioteca comunali de Baressa impari a sa bibliotecaria Viviana Orrù e a s'operadora de is Ufitzius de lingua sarda de is Comunas de Baressa e de Bobadri chi est Tatiana Frau.

Est pròpiu cun sa lingua sarda ca s'ant a fai giogus iterativus e a scuadras puru, ma fintzas s'ant a biri cartonis animaus e filmixeddus cun su computer.



Po una pariga de oras seus a ispassiai meda totus impari e cun sa lingua sarda.

Po partetzpai si domandat sceti a is mammas o a is babbus de acumpangiai is fillus in sa biblioteca de Baressa e apustis, facioras de is seti, de torrai a ndi ddus su liai po ddus su torrai a domu insoru. Pipius benei in medas....

Novas Baressesas at a bessiri prus o mancu una borta a su mesi e s'at podi arriciri inderetura in domu, cun una e-mail: bastat a ddu pediri mandendi una punta de billetu eletrònicu a s'indiritzu serviziocultura@comune.baressa.or.it iscriendi su nòmini, su sangunau e "bollu arriciri *Novas baressesas*". In prus, s'at podi ligi puru in sa bacheca comunali o agatai in medas atividades comercialis de sa biddu o in sa biblioteca comunali

Sa redatzioni de *Novas Baressesas* est contivigiada de su Servìtziu linguistichu sardu e de s'Assesorau a sa Cultura de su Comunu de Baressa.

S'isportellu linguistichu est a disponimentu de tzitadinus, maistus de iscola, professoris e istudentis po cali si siat informatzioni, fundamentu, duda, crosidadi, bibliografia, sitografia asuba de sa lingua sarda, po consulèntzias didàticas e po contzillus chi pertocant is arrègulas de iscrivura de su sardu.

Su Servìtziu est abertu po su mesi de Donniasanti:

	de	a
Giòbia 03 –17- 24	12.05	17.20
Giòbia 10	8.00	14.00
Mèrcuris	8.00	9.30



Comunu de Baressa
Provintzia de Aristanis

Novas Baressesas

☎ 0783-930049 Fax 0783-930118
e-mail: info@comune.baressa.or.it

Newsletter periòdica de informatzioni istitutzionali de su Comunu de Baressa

**Responsabilidadi e proprietadi de su
Comunu de Baressa (or)**

Annu I, n. 3

Acabbau su cuatru de Donniasanti de su 2011
**chi is pipius imparant fintzas su sardu
ndi guadàngiant meda!!**

Novas de su Comunu

Festa de is bècius 2011




Comenti a s'annu passau, ocannu puru s'Amministratzioni comunali cun prexeri at apariciau sa "**Festa de is**

bècius baressesus".

S'atòbiu at a essi **domìnicu 20 de su mesi de Donniasanti 2011** a is ùndixi de mengianu (*Domenica 20 novembre alle ore*

11.00) po sa missa in

crèsia manna. A pustis chi at a acabai sa missa, fac'oras de mesudì (12.00), s'at andai totus impari a sa Domu de is Bècius (Casa Anziani) e a sa una (13.00) at a inghitzai su pràngiu po totus is bècius chi ant a bolli partetzipai.



De is tres de merì (15.00) ant a incumentzai musica, ballus e atrus ispàssius puru de fai totus impari.

Po chini no at a podi pigai parti a sa festa poita est malàdiu o tenit atru impedimentu fisicu, c'at a essi sa possibilitadi de arriciri su pràngiu in domu, ma tocat a ddu pediri a s'ufitziu Servìtzius socialis de su Comunu. Po is baressesus chi no tenint ancora sessant'annus e chi bolint a su pròpiu pigai parti a custa festa, tocat a donai s'adesioni cun sa cuota in dinari a sa cooperativa *Infanzia Terza età* chi sighit su servìtziu. Po mellus apariciai sa festa si domandàt a totu is atrus puru de donai s'adesioni, puru telefonendi sceti, a su servìtziu sociali de su Comunu aintru de lunis 14 de Donniasanti (entro lunedì 14 novembre).



Ginnastica "lèbia"

Po sa genti manna

Si avisant totu is baressesus ca funt abertas is iscrizioni po su cursu de

ginnastica durci po sa genti manna (*ginnastica dolce per adulti*), chi s'at a fai in sa palestra comunali su martis e sa giòbia de is seti a is otu de merì. (19.00 – 20.00)



**Arremonu de
is mortus in
guerra**

Domìnicu 6 de su mesi de **Donniasantu 2011** (domenica 6 Novembre) s'amministratzioni comunali iat a bolli torrai a arremonai is mortus in guerra de bidda nostra impari a totu sa popolatzioni.

Po custu s'atòbiu est in crèsia manna po sa missa de is 11 de mengianu e a pustis, aundi est su monumentu de is sordaus mortus in guerra, po s'assentu de is coronas de froris e sa preghiera de arregordu.